

Միաժամանակ հարկ ենք համարում տեղեկացնել, որ Ա. Պետրոսյանը ձերբակալվել է 10.05.2015թ-ին և ունենալով բազմաթիվ մարմնական վնասվածքներ քննիչի միջնորդությամբ տեղափոխվել է հիվանդանոց և 3 օր գտնվել է այնտեղ: 13.05.2015թ-ին ՁՊՎ ընդունվելուց չի գրանցվել նրա մարմնական վնասվածքները, հրավիրվել է բժիշկ, բայց չեն գրանցվել մարմնական վնասվածքները <<Ձերբակալված անձանց բուժօգնության կամ բուժօգնության>> գրանցամատյանում:


2. Կամո Աշոտի Խաչատրյանի վերաբերյալ քննչական գործողություններ կատարելու նպատակով ՀՀ քննչական կոմիտեի ՎՁՄ քննչական վարչության ՀԿԳ քննիչներ՝ Հ. Պետրոսյանը և Ա. Ադամյանը հայտ են ներկայացրել ՁՊՎ-ում քննչական գործողություններ կատարելու նպատակով, բայց ըստ <<Ձերբակալվածներին խցերից դուրս բերելու>> գրանցամատյանի՝ ձերբակալվածը տեղափոխվել է նրանց աշխատասենյակ: Հերթապահ մասի պետը փորձում էր Դիտորդական խմբին համոզել, որ ՁՊՎ-ի քննչական սենյակը, դա ներկայացված քննիչների աշխատասենյակն է:

Խնդրում ենք ուսումնասիրել ներկայացված փաստերը և տալ մեկնաբանություն:

Անհրաժեշտության դեպքում կարող ենք տրամադրել ներկայացված փաստերի հիմքերը:

Հարգանքով՝

ՀՀ ոստիկանության համակարգի ձերբակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Լալբանդյան 130 հեռ. 59-65-94

N 2/2-1-3454

<<13 >> 10 2015թ.

Ձեր 14.09.2015թ. թիվ 2621/1579 գր.

«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ դիտորդների խմբի կողմից ս/թ սեպտեմբեր ամսին «Ոստիկանության Վայոց Ձորի մարզային վարչության Վայքի բաժնի ձերբակալվածներին պահելու վայր կատարած այցելության ընթացքում արձանագրված փաստերն ուսումնասիրվել են «Ոստիկանության շտաբում, իսկ Վայոց Ձորի մարզային վարչությունում կատարվել է ծառայողական քննություն:

«Ոստիկանության Վայոց Ձորի մարզային վարչության կողմից կատարված ծառայողական քննության արդյունքում տրամադրված տեղեկատվության համաձայն տրվում են հետևյալ մեկնաբանությունները:

Թերություններ.

1. Հաշվետվության առաջին կետով նշված թերությունը վերացվել է, հերթապահ մասի պետին խստորեն հանձնարարվել է այսուհետ պատշաճ հսկողություն իրականացնել ՁՊՎ-ի մաքրման աշխատանքների նկատմամբ:

2. ՁՊՎ-ում առկա բրդյա ծածկոցները հին են, սակայն պիտանի են հետագա օգտագործման համար և խմբի այցելության պահին եղել են մաքուր վիճակում:

3. Համաձայն «Վարչության 05.06.2008թ. թիվ 574-Ն որոշմամբ հաստատված ««Ոստիկանության համակարգում գործող ձերբակալվածներին պահելու վայրերի ներքին կանոնակարգ»-ի 107-րդ կետի՝ ««ՁՊՎ-ի համալիրի մեջ մտնում են ձերբակալվածներին արգելանքի տակ պահելու հիմնական (առանձին կամ ոստիկանությանը համատեղ) շենքը, զբոսաբակը և այլ շինություններ»»:

4. Դիտորդների խմբի այցելության պահին ՁՊՎ-ի բժշկական սենյակում առկա է եղել բժշկական սավան, որը փոխված է եղել մահճակալին զցված մեկ այլ սպիտակ սավանի տակ և ՁՊՎ-ի վարչակազմի կողմից ցուցադրվել է դիտորդների խմբի անդամներին:

Խախտումներ.

1. Կալանավոր Ա.Պետրոսյանը 13.05.2015թ. ժամը 19.00-ին ընդունվել է ոստիկանության Վայքի բաժնի ՁՊՎ՝ ՀՀ ՔԿ Վայոց Ձորի մարզային քննչական վարչությունից ստացված համապատասխան որոշման հիման վրա, որով բացի տվյալ անձին ՁՊՎ-ում պահելը, քննիչի կողմից հանձնարարվել էր կազմակերպել կալանավորի տեղափոխումը ՀՀ ԱՆ «Վարդաշեն» ՔԿՀ, ինչը և իրականացվել է ՀՀ ոստիկանության Վայոց Ձորի մարզային վարչության ուղեկցող դասակի միջոցով: Քանի որ «ՁՊՎ-ում պահվող անձանց գրանցամատյանի» 6-րդ սյունակում նշվել է, որ կալանավորը ՁՊՎ-է ընդունվել քննիչի գրության և կալանքի որոշման հիման վրա, դա դիտորդների խմբին տեղիք է տվել կասկածելու, որ կալանավորը ՁՊՎ է ընդունվել առանց համապատասխան որոշման:

Ա.Պետրոսյանը ձերբակալվել է 10.05.2015թ. և տեղափոխվել ոստիկանության Վայքի բաժնի ՁՊՎ: Կարճ ժամանակ անց, ավտովթարից ստացված մարմնական վնասվածքներից նրա ինքնազգացողությունը վատացել է և նրան քննիչի միջնորդությամբ տեղափոխել են հիվանդանոց: 13.05.2015թ. Ա.Պետրոսյանը տարվել է ՀՀ Արարատի և Վայոց Ձորի մարզերի ընդհանուր իրավասության դատարան, որտեղից կալանավորվելուց հետո տեղափոխվել է ոստիկանության Վայքի բաժնի ՁՊՎ: Քանի որ հիվանդանոցում Ա.Պետրոսյանը ենթարկվել է բժշկական հետազոտման, ուստի ՁՊՎ ընդունվելուց նրա մարմնական վնասվածքները ՁՊՎ վարչակազմի կողմից չեն արձանագրվել «Ձերբակալված անձանց բուժզննության կամ բուժօգնության» գրանցամատյանում:

2. Ձերբակալված Կ.Խաչատրյանի հետ քննչական գործողություններ իրականացնելու նպատակով 31.07.2015թ. ՀՀ ՔԿ Վայոց Ձորի մարզային քննչական վարչության քննիչները, ներկայացված հայտի համաձայն, մուտք են գործել ոստիկանության Վայքի բաժնի ՁՊՎ: Այդ կապակցությամբ Կ.Խաչատրյանը տեղափոխվել է ՁՊՎ-ի քննչական սենյակ, սակայն «Ձերբակալվածներին խցերից դուրս բերելու» գրանցամատյանում գրառվել է «...Հ.Պողոսյանի և Ա.Ադամյանի աշխատասենյակ՝ քննչական գործողություններ կատարելու համար...» գրառումը: ՁՊՎ վարչակազմի կողմից կատարվել է սխալ գրառում, Կ.Խաչատրյանը դուրս չի բերվել ՁՊՎ-ից, այլ քննչական գործողություններն իրականացվել են ՁՊՎ-ի քննչական սենյակում: Հարկ ենք համարում նշել, որ ոստիկանության Վայքի բաժնի վարչական շենքում քննչական այլ սենյակներ չկան:

ՀՀ կառավարության 05.06.2008թ. թիվ 574-Ն որոշմամբ հաստատված «ՀՀ ոստիկանության համակարգում գործող ձերբակալվածներին պահելու վայրերի ներքին կանոնակարգ»-ի 13-րդ կետի պահանջը խախտելու՝ կալանավորված անձի մարմնական վնասվածքները «Ձերբակալված անձանց բուժզննության կամ բուժօգնության» գրանցամատյանում չարձանագրելու և «Ձերբակալվածներին խցերից դուրս բերելու» գրանցամատյանը պատշաճ կերպով չվարելու համար, ոստիկանության Վայքի բաժնի հերթապահ մասի պետը խիստ նախազգուշացվել է:

ՀՀ ոստիկանության շտաբի ՀԾՎ